

ԱՐՁԱՆԱԳՐՈՒԹՅՈՒՆ ԹԻՎ 2

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՄԲԱԿԱՇԱՏԻ ԳՅՈՒՂԱԿԱՆ ՀԱՄԱՅՆՔԻ ՂԵԿԱՎԱՐԻ ԵՎ ԱՇԽԱՏԱԿԱԶՄԻ 2013 ԹՎԱԿԱՆԻ 2-ՐԴ ԿԻՍԱՄՅԱԿԻ ԸՆԹԱՑՔՈՒՄ ԿԱՏԱՐՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

Հարգելի Լարիսա Մուրադյան

Հարգելի համայնքի բնակիչներ, հյուրեր, այսօր Ձեր ներկայությամբ քննարկման կներկայացնեմ Բամբակաշատի գյուղապետի, ավագանու և գյուղապետարանի աշխատակազմի 2013 թվականի հուլիսի 1-ից մինչև դեկտեմբերի 31-ը կատարած աշխատանքները:

Գյուղապետարանը՝ համայնքի ղեկավարը իր գործունեությունն իրականացնում է «Տեղական ինքնակառավարման մասին» Հայաստանի Հանրապետության օրենքի պահանջների համաձայն և իր իրավասության շրջանակում ընդունում է որոշումներ, կազմում է արձանագրություններ և արձակում կարգադրություններ:

Բամբակաշատի համայնքն իրենից ներկայացնում է 800 առանձին տնտեսություն, որի բնակչության թիվը կազմում է 3900 մարդ, ընտրողների թիվը կազմում է 2650, վարչական տարածքը կազմում է ընդամենը 979.7 հա, գյուղատնտեսական նպատակային նշանակության՝ 608.0 հա, որից չի մշակվել 125.0 հա:

Համայնքում հիմնականում զբաղվում են բոստան-բանջարանոցային կուլտուրաների մշակությամբ և խաղողագործությամբ, ինչու չէ նաև պտղաբուծությամբ:

ԸՍՏ ԲՆԱԳԱՎԱՌՆԵՐԻ ԿԱՏԱՐՎԵԼ ԵՆ՝

Սահմանված կարգով կազմակերպվել է գույքահարկի և հողի հարկի գանձումները: Գույքահարկի գանձումը տարեկան կտրվածքով նախատեսվել է 6070.0 հազար դրամ, փաստացի գանձվել է 5939.7 հազար դրամ, ընդամենը – 97.8 % : Հողի հարկի տարեկան նախատեսված 13129.3 հազար դրամ, գանձվել է 13585.2 հազար դրամ, ընդամենը-103.5 %-ով: Պլանով նախատեսված այլ եկամուտները- 214.6 հազար դրամ, փաստացի գանձվել է 244.5 դրամ, ընդամենը 113.9 %-ով , համայնքի սեփ. հանդիսացող վարձակալություն 230.0 հազար դրամ, փաստացի գանձվել է 50.6 դրամ, որը կազմում է 22%: Տեղական տուրքեր նախատեսվել է 340.0 հազար դրամ, փաստացի գանձվել է 280.0 հազար դրամ, որը կազմում է 82.4 %: Պետության կողմից ստացված դոտացիան կատարվել է 100 %:

ԿՐԹՈՒԹՅԱՆ, ՄՇԱԿՈՒՅԹԻ ԵՎ ԵՐԻՏԱՍԱՐԴՈՒԹՅԱՆ ՀԵՏ ՏԱՐԿՈՂ ԱՇԽԱՏԱՆՔՆԵՐԻ ԲՆԱԳԱՎԱՌՈՒՄ

Այս բնագավառում համայնքի ղեկավարը իրականացնում է հետևյալ պարտադիր լիազորությունը.

1. կազմակերպում և կառավարում է համայնքի ենթակայության դպրոցի, ակումբի, գրադարանի գործունեությունը, դրանց շահագործման և նորոգման աշխատանքները,
2. կազմակերպում է Հայաստանի Հանրապետության տոների և հիշատակի օրերի հետ կապված միջոցառումները:
3. Բամբակաշատի գ/պ-ն տրամադրել է դրամաշնորհի ՀՀ Արմավիրի մարզի Արմավիրի տարածաշրջանի «Բամբակաշատ միջնակարգ դպրոց» ՊՈԱԿ-ի նախադպրոցական կրթության միկրոօրագրի իրականացմանը 2013 թ. հուլիսի 29-ից մինչև 2014 թ. մայիսի 31-ը ժամանակահատվածում:
4. Հայկական հիմնադրամի կողմից ձեռք է բերվել 50 երեխայի համար գույք:

ՊԱՇՏՊԱՆՈՒԹՅԱՆ ԲՆԱԳԱՎԱՌՈՒՄ

Համայնքի ղեկավարը պաշտպանության բնագավառում իրականացնում է հետևյալ կամավոր լիազորությունները.

1. կազմակերպվել է համայնքում զինապարտի հասակի երիտասարդների հավաքագրում աշնան գորահավաքին,
2. 2013 թվականի ընթացքում համայնքում մահացածների շիրիմների համար գնել է ծաղկեպսակներ:

ԱՇԽԱՏԱՆՔԻ ԵՎ ՍՈՑԻԱԼԱԿԱՆ ԾԱՌԱՅՈՒԹՅԱՆ ԲՆԱԳԱՎԱՌՈՒՄ

Համայնքի ղեկավարն աշխատանքի և սոցիալական ծառայության բնագավառում իրականացնում է պետության պատվիրակած հետևյալ լիազորությունները, և իրականացնում է հետևյալ կամավոր լիազորությունը.

1. նպաստում է նոր աշխատատեղերի ստեղծմանը, կազմակերպում է վճարովի հասարակական աշխատանքները
2. միջոցներ է ձեռնարկում հաշմանդամների, սոցիալապես անապահով ընտանիքների սոցիալական պայմանների բարելավման ուղղությամբ:
3. Սոցիալապես անապահով՝ թվով 90 ընտանիքներին տրամադրել է 3600.0 հազար դրամ:

ԳՅՈՒՂԱՏՆՏԵՍՈՒԹՅԱՆ ԲՆԱԳԱՎԱՌՈՒՄ

Համայնքի ղեկավարը գյուղատնտեսության բնագավառում իրականացնում է հետևյալ պարտադիր լիազորությունները.

1. կատարում է համայնքային սեփականություն համարվող ոռոգման ցանցերի շահագործում, դրանց շինարարություն և վերանորոգում: Վերանորոգել է ներտնտեսային ոռոգման ցանցը մոտ 0.3 կմ տարածությամբ:
2. կատարում է համայնքի տարածքում ընտանի կենդանիների և թռչունների ամենամյա հաշվառում
3. կազմակերպում է համայնքի տարածքում անասնաբուժական ծառայություն, հակահամաճարակային միջոցառումներ՝ կենդանիների հիվանդությունների կանխման, և այլ աշխատանքներ,
4. աջակցում է գյուղ. մթերքների աշխատանքների իրականացմանը
5. հաշվառել, և վիճակագրական վարչություն է ներկայացրել հունիսյան հաշվետվությունը:
6. 2013 թվականի մայիսի 12-ին համայնքում տեղացած կարկուտի պատճառով վնասվել է գյուղ.մշակաբույսերի 100 %-ով, որը մեծ վնաս է հասցրել գյուղատնտեսությանը և գյուղացիներին:

Կառավարության կողմից ստեղծվել է հատուկ հանձնաժողով ճշտելու տեղում կատարվածը և աջակցել գյուղացուն շուտափույթ ոտքի կանգնելու:

ԱՅԼ ՏՆՏԵՍՈՒԹՅԱՆ ԵՎ ԲԱՐԵԿԱՐԳՄԱՆ ԲՆԱԳԱՎԱՌՈՒՄ

Համայնքի ղեակավարը կոմունալ տնտեսության և բարեկարգման բնագավառում իրականացնում է հետևյալ պարտադիր լիազորությունները.

1. աշնանը կազմակերպել է կենտրոնական ճանապարհների և կից առուների մաքրում,
2. ամենամյա կտրվածքով կազմակերպում է աղբաթափման աշխատանքներ,
3. համայնքի գյուղամիջյան փողոցներում կատարվել է ավագապատում:

ԱՌՈՂՋԱՊԱՀՈՒԹՅԱՆ, ՖԻԶԻԿԱԿԱՆ ԿՈՒՆՏՐՈՒՅԻ ԵՎ ՍՊՈՐՏԻ ԲՆԱԳԱՎԱՌՆԵՐՈՒՄ

Համայնքի ղեակավարը սույն բնագավառներում իրականացնում է հետևյալ պարտադիր լիազորությունները.

1. մշտապես հետևում և աջակցում է սանիտարական վիճակի բարելավմանը,
2. աջակցում է առողջապահական, հակահամաճարակային միջոցառումների իրականացմանը

ՀԱՄԱՅՆՔԻ ՀԻՄՆԱԽՆԴԻՐՆԵՐԸ

1. ոռոգման ներտնտեսային ցանցը շուրջ 2.5 կմ տարածքով վերակառուցման անհրաժեշտություն ունի,
2. խմելու ջրագիծը, որը կառուցվել է 1961 թվականին, վաղուց հիմնովին վերանորոգելու կարիք ունի,
3. միջհամայնքային՝ Բամբակաշատ-Նոր Արմավիր /գերեզմանոց/ ճանապարհը 1 կմ կապիտալ նորոգելու կարիք ունի՝ ասֆալտապատում,
4. մշակույթի տան վերանորոգում:

Համայնքի ղեակավար՝

Ս. Եղիազարյան

